



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<< 22 >> սեպտեմբեր 2021թ.

Ո Ր Ո Շ ՈՒ Մ No. 2565-ՂԿ

ՖԻԶԻԿԱԿԱՆ ԱՆՁԻ ԿՈՂՄԻՑ ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս, քննարկելով ֆիզիկական անձ Սամվել Ստյոպայի Խաչատրյանի վերաբերյալ վարչական վարույթի նյութերը,

Պ Ա Ր Զ Ե Ց Ի

Համաձայն հարկային պարտավորությունների հաշվարկման վերաբերյալ 01.04.2021թ. կազմված թիվ 796/2021/ԿՈՒՎԼ/Ն տեղեկանքի (տեղեկանքը կցվում է)՝ ֆիզիկական անձ Սամվել Ստյոպայի Խաչատրյանի (ՀՎՀՀ՝ 25380743, ՀԾՀ՝ 3509840968, հասցե՝ ք. Երևան, Ն. Ստեփանյան փ. 8 15) չկատարված հարկային պարտավորությունը 01.04.2021թ. դրությամբ կազմել է 161.391 դրամ, որից հարկ՝ 91.685 դրամ, տույժ՝ 44.701 դրամ, տուգանք՝ 25.005 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, չկատարված հարկային պարտավորությունը գանձելու վերաբերյալ վարչական ակտ ընդունելու նպատակով 09.09.2021թ. հարուցված վարչական վարույթի մասին հարկ վճարողը պատշաճ կերպով ծանուցվել է, սակայն չի ներկայացրել վարույթի նյութերին ծանոթանալու համար և որևէ բացատրություն չի տվել:

Համաձայն ՀՀ ոստիկանության «Ճանապարհային ոստիկանություն» ծառայության կողմից ստացված տեղեկությունների՝ ֆիզիկական անձ Սամվել Ստյոպայի Խաչատրյանի կողմից 2017թ. ընթացքում 2 և ավելի անգամ իրականացվել է սեփականություն հանդիսացող նույն տեսակի գույքի (ավտոմեքենա) օտարման գործարք:

Համաձայն իրավահարաբերության ծագման պահին գործող <<Ավելացված արժեքի հարկի մասին>> ՀՀ օրենքի 6-րդ հոդվածի 1-ին կետի բ ենթակետի՝ 27.09.2017թ. և 23.12.2017թ. գույքի օտարման գործարքները համարվում են ապրանքի մատակարարման գործարքներ և ենթակա են ավելացված արժեքի հարկով հարկման՝ <<Ավելացված արժեքի հարկի մասին>> ՀՀ օրենքի 3.1-րդ հոդվածի համաձայն:

ՀՀ կառավարության 19.02.2009թ. թիվ 199-Ն որոշման համաձայն՝ ավելացված արժեքի հարկի հաշվարկը ներկայացվում է, ինչպես նաև հարկի գումարները վճարվում են ՀՀ պետական բյուջե մինչև գործարքի իրականացման եռամսյակին հաջորդող ամսվա 20-ը ներառյալ:

Ֆիզիկական անձ Սամվել Ստյոպայի Խաչատրյանի կողմից ավելացված արժեքի հարկի 2017թ. 3-րդ և 4-րդ եռամսյակների հաշվարկները չեն ներկայացվել և չի վճարվել ավելացված արժեքի հարկի գծով պարտավորությունը:

Արդյունքում սույն որոշմամբ գանձման ենթակա օրենքով սահմանված ժամկետում չկատարված պարտավորությունը կազմում է 161.391 դրամ, որից հարկ՝ 91.685 դրամ, որը հաշվարկվել է <<Ավելացված արժեքի հարկի մասին>> ՀՀ օրենքի 9-րդ հոդվածի համաձայն, տույժ՝ 44.701 դրամ, որը հաշվարկվել է <<Հարկերի մասին>> ՀՀ օրենքի 23-րդ հոդվածի և ՀՀ հարկային օրենսգրքի 401-րդ հոդվածի համաձայն, տուգանք՝ 25.005 դրամ, որը հաշվարկվել է <<Հարկերի մասին>> ՀՀ օրենքի 24-րդ հոդվածի համաձայն:



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասին 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 6-րդ մասով, և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 59, 88 հոդվածներով,

Ո Ր Ո Շ Ե Ց Ի

1. ֆիզիկական անձ Սամվել Ստյոպայի Խաչատրյանից գանձել 161.391 դրամ պարտավորության գումար համաձայն ստորև ներկայացված աղյուսակի՝

01.04.2021թ. դրությամբ չկատարված հարկային պարտավորությունները գանձելու վերաբերյալ

Չափման միավորը՝ դրամ

Հ/Հ	Հարկի և այլ պարտադիր վճարի տեսակը	Հաշվարկված հարկ/վճար		Հաշվարկված տույժ	Հաշվարկված տուգանք	Ընդամենը	Վճարման ուղղությունը	Հաշվի համարը
		առաջացման ամսաթիվ	գումար					
1	2	3	4	5	6	7= 4+5+6	8	9
1	Ավելացված արժեքի հարկ	20.10.2017	25.005	8.194	25.005	161.391	պետական բյուջե	900008000490
2	Ավելացված արժեքի հարկ	22.01.2018	66.680	36.507			պետական բյուջե	900008000490

2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ Հ/Կ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ

ԾԱՆՈԹՈՒԹՅՈՒՆ՝

Հարկ վճարողի չկատարված պարտավորությունների գանձման վերաբերյալ հարկային ժառանգում առկա մեկից ավելի վարույթների շրջանակներում ընդունված և ուժի մեջ մտնող որոշումներով գանձման ենթակա ընդհանուր պարտավորությունը 1.500.000 ՀՀ դրամ գումարը գերազանցելու դեպքում, որոշումներն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:

Կատարող՝

Իրավաբանական վարչության հարկադիր գանձման և պարտավորությունների կատարման ապահովման բաժին
Լուսինե Զաղացայանյան
հեռ.՝ 011-549-191 (9168)



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ՎԵՐԱԲԵՐՅԱԼ

Ստորև կատարվում է հարկային պարտավորությունների հաշվարկ՝ հիմք ընդունելով ՀՀ Ոստիկանության «Ճանապարհային ոստիկանություն» ծառայության կողմից ստացված տեղեկությունները, այսպես.

ՀՀ Ոստիկանության «Ճանապարհային ոստիկանություն» ծառայությունից ստացված շարժական գույքի և դրա նկատմամբ գրանցված իրավունքների վերաբերյալ տեղեկությունների համաձայն՝ ֆիզիկական անձ՝ ՍԱՄՎԵԼ ՍՅՈՊԻԱՅԻ ԽԱՉԱՏՐՅԱՆԻ կողմից (հաշվառման հասցե՝ ԵՐԵՎԱՆ, ՆՈՐ ՆՈՐՔ, Ն.ՍՏԵՓԱՆՅԱՆ Փ., 8, Շ, 15, ՀԾՀ՝ 3509840968, ՀՎՀՀ՝ 25380743) օտարվել են սեփականության իրավունքով իրեն պատկանող հետևյալ տրանսպորտային միջոցները.

1. 29/03/2017 թվականին օտարվել է 14/11/2016 թվականին ձեռք բերված MERCEDES-BENZ S500 4MATIC մոդելի 2007 թվականի արտադրության 388 ձիաուժի տրանսպորտային միջոցը, որի պայմանագրային արժեքը կազմել է 1000000 ՀՀ դրամ,
2. 27/09/2017 թվականին օտարվել է 07/06/2017 թվականին ձեռք բերված BMW 325 I մոդելի 2003 թվականի արտադրության 180 ձիաուժի տրանսպորտային միջոցը, որի պայմանագրային արժեքը կազմել է 150000 ՀՀ դրամ:
3. 23/12/2017 թվականին օտարվել է 14/07/2017 թվականին ձեռք բերված MERCEDES-BENZ S550 մոդելի 2006 թվականի արտադրության 388 ձիաուժի տրանսպորտային միջոցը, որի պայմանագրային արժեքը կազմել է 400000 ՀՀ դրամ:

Անհատ ձեռնակատեր չհանդիսացող ֆիզիկական անձի կողմից իրականացված գործարքները համարվում են ապրանքի մատակարարում հետևյալ դեպքերում՝ մեկ օրացույցային տարվա ընթացքում երկու և ավելի թվով անգամ անձի սեփականությունը կամ ընդհանուր սեփականությունը հանդիսացող նույն տեսակի հետևյալ գույքի՝ բնակարանի, առանձնատան (այդ թվում՝ անավարտ (կիսակառույց)), անձնական օգտագործման ավտոմեքենայի, գյուղատնտեսական նշանակության և բնակավայրերի հողերի, ավտատնակի՝ որևէ ձևով կատարվող հատուցման դիմաց օտարման դեպքում ապրանքի մատակարարում է համարվում այդ ժամանակահատվածում երկրորդ և ավելի թվով նույն տեսակի գույքի օտարումը, եթե օտարումը կատարվում է տվյալ գույքի ձեռքբերմանը հաջորդող մեկ տարին չգերազանցող ժամանակահատվածում և ԱԱՀ-ի մասին ՀՀ օրենքի 3.1 հոդվածի համաձայն ֆիզիկական անձը ԱԱՀ-ով հարկվող գործարքներ իրականացնելու դեպքում համարվում է ԱԱՀ վճարման պարտավորություն կրող:

ՀՀ կառավարության 19.02.2009թ. թիվ 199-Ն որոշման համաձայն՝ ԱԱՀ-ի հաշվարկը ներկայացվում է, ինչպես նաև գումարները վճարվում են ՀՀ պետական բյուջե մինչև գործարքի իրականացման եռամսյակին հաջորդող ամսվա 20-ը ներառյալ: Ֆիզիկական անձի կողմից 2017 թվականի 3-րդ և 4-րդ եռամսյակների ԱԱՀ հաշվարկները չեն ներկայացվել և ՀՀ պետական բյուջե վճարումներ չեն կատարվել:

Ավելացված արժեքի հարկի հաշվարկ չներկայացնելու և վճարումները չկատարելու պայմաններում հարկային պարտավորությունների հաշվարկը կատարվում է հետևյալ կերպ.

«Ավելացված արժեքի հարկի մասին» ՀՀ օրենքի 9-րդ հոդվածի համաձայն BMW 325 I մոդելի 2003 թվականի արտադրության 180 ձիաուժի տրանսպորտային միջոցի օտարման գործարքից հաշվարկվում է ԱԱՀ 16.67 տոկոս դրույքաչափով՝ 25,005 ՀՀ դրամ (150,000*16.67%), իսկ MERCEDES-BENZ S550 մոդելի 2006 թվականի արտադրության 388 ձիաուժի տրանսպորտային միջոցի օտարման գործարքից՝ 66,680 ՀՀ դրամ (400,000*16.67%):

«Հարկերի մասին» ՀՀ օրենքի 23-րդ և հարկային օրենսգրքի 401-րդ հոդվածների համաձայն, հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը (հարկային օրենսդրությամբ սահմանված դեպքերում՝ հարկային գործակալը) վճարում է տույժ՝ ժամանակին չմուծված հարկի գումարի մինչև 31.12.2017 թվականը 0,15 տոկոսի չափով, 01.01.2018 թվականից՝ 0,075 տոկոսի չափով՝ 44,701 ՀՀ դրամ $(25,005 * 0,15\% * 72 \text{ օր} + 25,005 * 0,075\% * 293 \text{ օր} + 66,680 * 0,075\% * 730 \text{ օր})$

Նույն օրենքի 24-րդ հոդվածի համաձայն հարկ վճարողների (հարկային գործակալների) կողմից հարկային մարմին կամ տեղական ինքնակառավարման մարմին ներկայացվող հաշվարկը (հայտարարագիրը, հաշվետվությունը) հարկային օրենսդրությամբ սահմանված ժամկետից ուշ ներկայացվելու կամ չներկայացվելու դեպքում այդ ժամկետին հաջորդող յուրաքանչյուր 15 լրացած օրվա համար հարկ վճարողից (հարկային գործակալից) գանձվում է տուգանք՝ հաշվարկված հարկի ընդհանուր գումարի 5 տոկոսի չափով՝ 25,005 ՀՀ դրամ $(25,005 * 5\% * 20)$:

Հաշվետու ժամանակաշրջան	Ավելացված արժեքի գումար	«Հարկերի մասին» ՀՀ օրենքի 23 և հարկային օրենսգրքի 401-րդ հոդվածներ	«Հարկերի մասին» ՀՀ օրենքի 24 հոդված
3-րդ եռամսյակ	25,005	8,194	25,005
4-րդ եռամսյակ	66,680	36,507	-

Այսպիսով 01.04.2021թ.-ի դրությամբ նշված գործարքի մասով ՀՀ պետական բյուջեի նկատմամբ չկատարված հարկային պարտավորությունների չափը ավելացված արժեքի հարկի գծով կազմում է 161,391 ՀՀ դրամ գումար, որից հարկ՝ 91,685 ՀՀ դրամ, տույժ՝ 44,701 ՀՀ դրամ, տուգանք՝ 25,005 ՀՀ դրամ:

Միաժամանակ տեղեկացվում է, որ հարկային պարտավորությունները հաշվարկվել են 01.04.2021թ. դրությամբ և ենթակա են վերահաշվարկման լրացուցիչ նյութերի ու փաստաթղթերի առկայության և ներկայացման դեպքում:

Վերլուծության թիվ 4 բաժնի պետ՝

Լիանա Զիլավյան

Կատարող՝ գլխավոր հ/տ

Աննա Շահբազյան

Կատարման ամսաթիվ՝ 01.04.2021թ.